

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ

ԳՈՐԻՍԻ ՊԵՏԱԿԱՆ ՀԱՄԱԼՍԱՐԱՆ



ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ

ՈՒՍՈՒՑԻՉՆԵՐԻ

ՎԵՐԱՊԱՏՐԱՍՏՄԱՆ ԴԱՍԸՆԹԱՑ

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Կրտսեր դպրոցականի արժեքային համակարգի ձևավորումը

Առարկա-

Մայրենի

Հեղինակ-

Շահանգ Զուլետա Ժորայի

ՈՒՍՈՒՄՆԱԿԱՆ

«Շուրնուխի միջնակարգ դպրոց» ՊՈԱԿ

ՀԱՍՏԱՏՈՒԹՅՈՒՆ

Աշխատանքը թույլատրված է պաշտպանության

ԱՇԽԱՏԱՆՔԻ ԳԻՏ. ՂԵԿԱՎԱՐ՝ Ն. Ռ. Բաղդազյուլյան, ԳՊՀ դասախոս

ԳՈՐԻՍ 2023

ԲՈՎԱՆԴԱԿՈՒԹՅՈՆ

1. ՆԵՐԱԾՈՒԹՅՈՒՆ.....	3
2. ԿՐՏՍԵՐ ԴՊՐՈՑԱԿԱՆՆԵՐԻ ԱՐԺԵՔԱՅԻՆ ԿՈՂՄՆՈՐՈՇՈՒՄՆԵՐԻ ՁԵՎԱՎՈՐՄԱՆ ԳՈՐԾԸՆԹԱՑԻ ԲԱՂԱԴՐՍԱՐՐԵՐԸ.....	5
3. ԿՐՏՍԵՐ ԴՊՐՈՑԱԿԱՆԻ ԱՐԺԵՔԱՅԻՆ ՀԱՄԱԿԱՐԳԻ ՁԵՎԱՎՈՐՈՒՄԸ ՄԱՅՐԵՆԻԻ ԴԱՍԵՐԻՆ.....	8
4. ԵԶՐԱԿԱՑՈՒԹՅՈՒՆ.....	16
5. ՕԳՏԱԳՈՐԾԱԾ ԳՐԱԿԱՆՈՒԹՅԱՆ ՑԱՆԿ.....	17

ՆԵՐԱԾՈՒԹՅՈՒՆ

Արդի մանկավարժության կարևոր պահանջներից է աշակերտների արժեքային համակարգի ձևավորումը: Կրթության նպատակը անհատին ոչ միայն գիտելիքներով զինելն է, այլև նրա մեջ բարոյական որոշակի հատկանիշներ ձևավորելը: Ինչպես ամբողջ աշխարհում, Հայաստանում էլ այսօր արժեքային կրթությունը հասարակությանը հուզող խնդիրներից մեկն է: Ամեն դարաշրջումն իր խնդիրներն ու պահանջներն է թելադրում դպրոցին:

Կրթական նոր քաղաքականությամբ կարևորում է ուսուցչի դերը՝ որպես բովանդակություն մշակողի, որպես նորարարի: Մեծանում է ուսուցչի պատասխանատվությունը: Սերունդները հաջորդում են սերունդներին և փոխվում է նրանց հետաքրքրությունների շրջանակը, նրանց պահանջները, կրթության մասին վերաբերմունքը, փոխվում է արժեքային համակարգը: Սա է պատճառը, որ ուսուցիչն իր աշխատանքին զուգահեռ պարբերաբար վերապատրաստվելու, մասնագիտական նորություններին և դասավանդման նոր մեթոդներին ու ռազմավարություններին ծանոթանալու հնարավորության կարիք ունի:

Հետազոտական աշխատանքի թեման արդիական է, քանի որ կրտսեր դպրոցականների արժեհամակարգի ձևավորումը շատ կարևոր գործընթաց է: Դաստիարակելով արժանապատիվ, ազնիվ և հայրենասեր սերունդ՝ կունենանք առողջ հասարակություն և պետականության ամուր հիմքեր, եթե բաց թողնենք ճիշտ արժեքների սերմանումը կունենանք վատ հասարակություն: Այդ իսկ պատճառով արժեքային համակարգի ձևավորումը դասվարի կարևորագույն գործառույթն է:

Աշխատանքում **նպատակ է** դրվել վեր հանել արժեքային համակարգի կարևորությունը և բացահայտել կրտսեր դպրոցականների արժեքային համակարգի ձևավորման արդյունավետ մեթոդներ և հնարներ:

Նպատակից ելնելով՝ առաջադրել ենք հետևյալ **խնդիրները**.

- բացահայտել տարրական դասարաններում դասավանդվող առարկաների արժեքային ներուժը,
- ուսումնասիրել տարրական դասարաններում արժեքային համակարգի ձևավորման մեթոդական մշակվածության աստիճանը գիտական գրականության մեջ,

- ներկայացնել կրտսեր դպրոցականների արժեքային կողմնորոշումների ձևավորման գործընթացի բովանդակային և գործնական կողմերի միասնության ապահովման ու մեթոդական հնարավորությունները:

Աշխատանքի **կիրառական նշանակությունը** պայմանավորված է նրանում առկա դասի պլանով, որտեղ ներկայացված են արժեքային համակարգի ձևավորմանը միտված նպատակային մեթոդներն ու հնարները, որոնք էլ օգտակար կլինեն մանկավարժների և մանկավարժական բուհում սովորող ուսանողների համար:

Հետազոտության արդյունքներն ամփոփված են աշխատանքի <<Եզրակացություն>> բաժնում:

**ԿՐՏՍԵՐ ԴՊՐՈՑԱԿԱՆՆԵՐԻ ԱՐԺԵՔԱՅԻՆ ԿՈՂՄՆՈՐՈՇՈՒՄՆԵՐԻ
ՁԵՎԱՎՈՐՄԱՆ ԳՈՐԾԸՆԹԱՑԻ ԲԱՂԱԴՐԱՏԱՐԵՐ**

Կրտսեր դպրոցի հիմնահարցերից կարևորագույնը բարոյական ժառանգությունը նոր սերնդին փոխանցելն է և արժեհամակարգի հիմքում նոր արժեքների սերմանելով բարոյական այլևայլ հատկանիշների ճշմարտությունը հաստատելը: Դասավանդման ընթացքում ուշադրություն դարձնելով կարևորագույն արժեքների դիտարկմանը, մեր խնդիրն է օգնել աշակերտներին իմաստավորելու այդ արժեքները, կենսավորել և հարցադրումների միջոցով որոշել ինչպիսի մարդ են ուզում դառնալ, ինչպիսի ավանդույթներ արժե պահպանել: Այս երկու մոտեցումներն էլ խոցելի կողմեր ունեն: Առաջինը երբեմն զուտ քարոզչական և ձևապաշտական բնույթ է ձեռք բերում, երեխաները լսում են, թե որքան լավ բան է ազնվությունը, արդարությունը, տարեցների նկատմամբ հոգատարությունը և այլն, սակայն տեսնում են արժեքների խախտումն իրենց ուսուցիչների, ծնողների կամ շրջապատողների կողմից: Բնական է, որ այդ դեպքում դրանք վերացական արժեքներ են մնում և նրանց կերպարի մաս չեն դառնում: Մյուս կողմից էլ՝ նոր մոտեցումը շատ ազատական է, և վտանգ կա, որ անձնական ազատ ընտրության և բարոյական ընդունված արժեքների ու պարտավորությունների միջև նախապատվությունը կտրվի առաջինին: Ուստի երեխաների մեջ համապատասխան արժեքներ ձևավորելու համար շատ կարևոր է այս մոտեցումների խելամիտ միահյուսումը: Արժեքները երեխաներին ներկայացնում են առաջին հերթին գրական, պատմական հերոսների օրինակով, նաև ուսուցչի վարքագծով: Ուստի շատ կարևոր և առանձնահատուկ ուշադրություն դարձնել դասագրքերի նյութերին, ինչպես նաև ներկայացված հերոսների վարքագծի վերլուծությանը և դրա միջոցով որոշակի արժեքների բացահայտմանը: Սակայն վերլուծությունը ենթադրում է առաջին հերթին երեխաների գործուն մասնակցություն, այսինքն՝ աշակերտները պետք է հնարավորություն ունենան ազատորեն արտահայտելու իրենց կարծիքը, զգացմունքները, որոշակի հարցադրումներ անելու, ընկերների հետ քննարկելու դատողություններ անելու հերոսների վարքագծի մասին, գնահատելու և իրենց համար բացահայտելու այս կամ այն արժեքը:

Կրտսեր դպրոցականների արժեքային կողմնորոշումների ձևավորման բովանդակային բաղադրատարրը բնութագրվում է մայրենի և օտար լեզուների առանձնահատկություններով:

Հետազոտվող հիմնախնդրի տեսանկյունից մենք դիտարկում ենք այն արժեքները, որոնք դրսևորվում են՝

- Լեզվի գործառույթներում, տարրական դպրոցում լեզուների ուսուցման նպատակներում:

Լեզվի հիմնական գործառույթներն են՝ հաղորդակցական, ճանաչողական, տեղեկատվական, ներագդման, նշանակողական, ազգային-մշակութային ավանդույթների պահպանման ու փոխանցման, մտքերի ձևավորման ու արտահայտման, հուզական և այլն:

Հաղորդակցական (կոմունիկատիվ) գործառույթը ենթադրում է խոսքային հաղորդակցում: Տարրական ուսուցման համակարգում այս գործառույթի իրականացումը նշանակում է մեր կողմից ուսումնասիրվող գործընթացի բովանդակության մեջ այնպիսի արժեքների դիտարկում, որոնք արտահայտվում են փոխադարձ շփման, բարեկիրթ հաղորդակցման ընթացքում:

Շփման ու հաղորդակցման արժեքային կողմը բնութագրում է մարդու՝ այլոց հետ համակեցության, մարդկանց հետ շփվելու պահանջմունքը: Այս պարագայում հատուկ նշանակություն են ձեռք բերում խոսքային հաղորդակցման մշակույթը, լեզվական միջոցներով գրուցակցի վրա ներգործելու ունակությունը: Հաղորդակցման կարողության դրսևորումն այն է, որ կրտսեր դպրոցականը կարողանա լսել, ընկալել, բնավիճել, համարժեք վերաբերմունք արտահայտել և տրամաբանված խոսք կառուցել:

Տեղեկատվական գործառույթի տեսանկյունից լեզուն դիտարկվում է որպես հաղորդման, մարդկության փորձի ու իմացության, գիտակցված գործունեության ընթացքում կուտակված գիտելիքների համակարգման ու լեզվական ձևակերպման միջոց: Այդ գործառույթը մեր կողմից ուսումնասիրվող գործընթացի բովանդակության մեջ բացահայտում է իմացական արժեքները (գիտելիքներ, ճանաչողություն): Գիտելիքը հասարակական փորձով ստուգված իրականություն

տրամաբանական յուրացման արդյունքն է, որը համարժեք է մարդու գիտակցության մեջ այդ իրականության արտացոլմանը:

Ազգային-մշակութային ավանդույթների պահպանման ու փոխանցման գործառույթն իրականացվում է ժամանակների միջև կապը, որը հնարավորություն է ընձեռնում լեզվի մեջ պահպանել ազգային մշակույթը և փոխանցել սերնդեսերունդ: Այն դրսևորվում է սոցիալական, իմացական, գեղագիտական արժեքների ձևով:

Շփման գործառույթը ենթադրում է համամարդկային մշակույթի յուրացում՝ հատկապես գեղարվեստական ստեղծագործությունների միջոցով: Այն ընդլայնում է արժեքների սահմանները՝ սոցիալական (գիտելիքը՝ որպես համամարդկային մշակույթի արտահայտություն), գեղագիտական (գեղեցկությունն ու ներդաշնակությունը, խոսքի գեղագիտությունն ու մշակույթը՝ որպես արժեք):

Հուզական գործառույթը կապված է հույզերի ու զգացմունքների արտահայտման հետ: Հուզական գործառույթը կարևոր դեր ունի նաև առօրյա շփումներում: Այն նպատակաուղղված է բարոյական և գեղագիտական արժեքների հաղորդակցմանը:

Հուզական զգայունակությունը, կարեկցանքը, ապրումակցումը, անձի՝ այլոց նկատմամբ կարեկցական վերաբերմունքի դրսևորումներն են: Ապրումակցումը ենթադրում է անձի հուզական այնպիսի վիճակներ ու ապրումներ, որոնք նա տաժում է դիմացինի նկատմամբ՝ նրա հուզական հոգեվիճակի նույնականացման հիման վրա: Գթասրտությունն արտահայտվում է այլոց դժբախտության և խնդիրների նկատմամբ զգայուն վերաբերմունքի միջոցով:

Կարեկցանքը անձի՝ այլոց զգացմունքների նկատմամբ համարժեք ապրումն է:

Խոսքային ներգործության գործառույթը ենթադրում է որևէ մեկին որոշակի արարքի մղելու խնդրանք, հորդոր, հրաման, դրդում: Այն արտահայտում է խոսողի կամային վերաբերմունքը: Այս գործառույթը ենթադրում է, որ սոցիալական միջավայրն ընկալվում է որպես արժեք:

Մտքերի ձևակերպման և արտահայտման գործառույթի իրականացումը ենթադրում է իմացական (մտածողությունը՝ մտքերը ձևակերպելու և

արտահայտելու կարողությունը՝ որպես արժեք) և գեղագիտական (մտքերի գեղեցիկ և ներդաշնակ ձևակերպումը՝ որպես արժեք), արժեքներին հաղորդակցում:

Դպրոցականի բառապաշարի հարստացմանը մեծ հնարավորություն են ընձեռնում ընթերցանության տեքստերը: Դա արտահայտվում է նրա զրույցներում, գրավոր ու բանավոր խոսքի մեջ, գրավոր աշխատանքի տարրեր տեսակներում:

Ընթերցանության դասերի ընթացքում ձևավորվում են սովորողների լեզվական ճաշակն ու խոսքային մշակույթը ստեղծվում է բարձրամշակույթ լեզվական միջավայր:

ԿՐՏՍԵՐ ԴՊՐՈՑԱԿԱՆԻ ԱՐԺԵՔԱՅԻՆ ՀԱՄԱԿԱՐԳԻ ՁԵՎԱՎՈՐՈՒՄԸ ՄԱՅՐԵՆԻԻ ԴԱՍԵՐԻՆ

Սովորողների մեջ արժեքային համակարգի ձևավորման ու զարգացման առումով առանձնահատուկ տեղ ու դեր ունի տարրական դպրոցը, քանի որ այնտեղ է երեխան հաղորդակից դառնում հասարակական-գիտական նախնական տեղեկատվությունը և վերջինս առօրյա կյանքում վերախմաստավորելու նախնական փորձի ձեռքբերմանը:

Մայրենիի ուսուցումը արժեքներին հաղորդակցվելու լավագույն միջոցներից է: Մայրենիի ուսուցումը չի ենթադրում և ներառում միայն լեզվական-քերականական նախնական գիտելիքների ուղղակի փոխանցում երեխային, հոգևոր ու բարոյական արժեհամակարգին հաղորդակցման ապահովում:

Առարկայի դասավանդումը, նոր նյութի հաղորդումն անհնար է պատկերացնել առանց ուսուցման մեթոդների, որոնք նաև իրենց դերն ունեն արժեքային համակարգի ձևավորման գործում: Դրանք ազդում են մարդու անձի ձևավորման վրա:

Ուսուցման մոդելների շարքում առանձնացվում են երեքը. պասիվ, ակտիվ և ինտերակտիվ: Ինտերակտիվ ուսուցման յուրահատկությունն այն է, որ կազմակերպում է այնպիսի պայմաններ, որոնց առկայությամբ բոլոր սովորողները ակտիվորեն փոխգործակցում են: Ինտերակտիվ ուսուցման կազմակերպումը ենթադրում է կենսական իրավիճակների մոդելավորում, դերային խաղերի օգտագործում, հարցերի և խնդիրների ընդհանրացնող հետևություն

հանգամանքների և իրավիճակների վերլուծության հիման վրա, տեղեկատվական հոսքերի ներթափանցում գիտակցության մեջ, որը դրդում է ակտիվ գործունեության:

Ուսուցման գլխավոր նպատակներից մեկը անհատի բազմակողմանի և ներդաշնակ զարգացումն է: Ինտերակտիվ ուսուցման մեթոդները ենթադրում են օգտագործել այնպիսի մեթոդների համակարգ, այնպիսի հետաքրքիր հնարներ, որոնց ժամանակ ուսուցիչը չի մատուցում պատրաստի գիտելիքներ, այլ սովորողների կողմից գիտելիքի ինքնուրույն ձեռքբերում՝ ակտիվ ճանաչողական գործունեության ընթացքում:

Ըստ Սերոբ Խաչատրյանի՝ սովորելը հնարավոր դարձնելու առաջին քայլը ուշադրության կենտրոնացումն է¹:

Ուշադրության դրսևորումը համարվում է հետազոտական վարքի, օրգանիզմի հարմարվողական ճանաչողական գործունեության սկիզբը, անհրաժեշտ տեղեկատվության ընտրությունը:

Նախ սա պիտի հաշվի առնենք ուսուցումը կազմակերպելիս և կարևոր էլ չէ, թե ուսուցման որ մոդելի հետ գործ ունենք: Առաջնորդվելով ուսուցման ինտերակտիվ միջոցներով՝ կիրառենք դրանք մեթոդների հետ և գրանցենք արդյունավետությունը:

Մեթոդների և հնարների կիրառման նպատակն է աշակերտներին ներգրավել ինքնուրույն իմացական գործունեության մեջ, ստեղծել անձնական շահագրգռվածություն ցանկացած ճանաչողական խմբիդներ լուծելու համար, սովորեցնել կիրառել ստացած գիտելիքները

Տարրական դասարաններում այս կամ այն դասանյութի ուսումնասիրումը հիմնականում իրականացվում է ընթերցանության միջոցով, որը հնարավորություն է տալիս կազմակերպել երեխաների ինքնուրույն գործունեությունը և նպաստել նրանց մտածողության, տրամաբանական, հաղորդակցման, համագործակցային ինքնուրույն գործունեության և ստեղծագործական ունակությունների զարգացմանը: Սակայն ընթերցանությունը պետք է մշտապես զուգակցել նաև այլ՝ ինչպես ավանդական, այնպես էլ նոր՝ փոխգործուն կամ ինտերակտիվ մեթոդներով:

¹ Խաչատրյան Ս., Ուսուցման արդյունավետ հնարներ, Երևան, 2020, էջ10:

Այս դեպքում աշակերտները ոչ միայն ընթերցում են դասանյութը, այլ նաև նրանում պատկերվող իրողությունները, հերոսների արարքները, հատկանիշները փորձում են կապել համադրել և համեմատել կյանքում, առօրյայում հանդիպող նմանատիպ իրավիճակների, խնդիրների հետ, գնահատել հերոսների արարքները, արտահայտել իրենց վերաբերմունքը այդ ամենի վերաբերյալ, հարցեր տալ:

Սովորողների մեջ արժեքային համակարգի ձևավորումը մայրենի առարկայի դասավանդման ընթացքում մենք իրականացնելու ենք հեքթիաթների միջոցով, օգտվելով՝ զրույցի, մտազրոհի, քառաբաժան մեթոդներից:

Դիտակտիկական և մեթոդական գրականության մեջ կան տարբեր տիպի դասերի նկարագրություններ և դրանց կառուցվածքի սահմանումներ: Այդ տիպի դասերից են ներածական դասը, զրույց-դասը, գիտելիքների ստուգման և գնահատման դասը, կրկնության-հանրագումարային դասերը, կինո-դասերը, էքսկուրսիոն դասը: Սրանցից առավել գործածականը և արդյունավետը, զրույց-դասն է, որին կանրադառնանք փոքրինչ հանգամանորեն:

Զրույց-դասը կիրառվում է սովորողի մտավոր գործունեությունն ակտիվացնելու նպատակով: Զրույցի ընթացքում սովորողը կրկնում և ամրապնդում է անցած նյութը, ձեռք բերում նոր գիտելիքներ:

Ի հայտ են գալիս սովորողի անհատական առանձնահատկությունները, մշակվում են տրամաբանորեն մտածելու, փաստերի և երևույթների միջև նոր կապեր հաստատելու, ուշադիր լսելու, վիճելի հարցերին քննադատաբար մոտենալու և կոլեկտիվ ձևով լուծելու կարողություններ:

Զրույցը չի ընթանում խստորեն մշակված պլանով, կիրառվում է ուսումնական գործընթացում այլ մեթոդների հետ զուգակցված:

Ուսուցման գործընթացի կազմակերպման ընթացքում կիրառվող նորագույն մեթոդները հնարավորություն են տալիս լուծելու սովորողների արժեքային համակարգի ձևավորման և զարգացման խնդիրները:

Սովորողների արժեքային համակարգի ձևավորման և զարգացման նպատակով առարկաների դասավանդման ժամանակ առավել հաճախ օգտագործում են «Քառաբաժան» մեթոդը:

Այս մեթոդի կիրառումը հնարավորություն է տալիս պարզելու աշակերտների կարծիքը, վերաբերմունքը: Նրանք կատարում են եզրահանգումներ, առաջարկում են լուծումներ փնտրում են էլքեր, կատարում են իրավիճակային համեմատություններ իրենց կենսափորձի հետ: Տարրական դասարանների մայրենիի դասագրքերում շատ են այն դասանյութերը, որոնք հնարավորություն են տալիս կիրառել այս մեթոդը զարգացնելով աշակերտների արժեքային համակարգը: Այս մեթոդը բավականին հետաքրքիր է, հարմար է աշխատելիս: Անհրաժեշտ է մտքերը համապատասխանաբար մուտքագրել աղյուսակի չորս բաժիններից յուրաքանչյուրում: Բաժինների հանձնարարությունները պատահական չեն ընտրված, դրանք համապատասխանում են նյութի ընկալման և մտքի զարգացման ընթացքին²:

Աշակերտի բոլոր զգայարանները մասնակցում են դասի ընկալման ընթացքին: Աշակերտը տեսնում է, լսում է, զգում է, կարծիք է կազմում, դիրքորոշում է հայտնում: Նա հասկանում է, որ պետք է լինի արդարամիտ, ազնիվ, գթասիրտ, ներողամիտ, հարգի ուրիշների կարծիքը, գիտակցի իր պարտականությունները ծնողների, ընկերների, համայնքի ու հայրենիքի նկատմամբ և մայրենիի դասագրքում ներառված նյութերը տալիս են այդ հնարավորությունը զարգացնելու աշակերտի արժեքային համակարգը: Նման դասանյութերի ուսումնասիրության ժամանակ հաճախ են օգտագործում քառաբաժանի մեթոդը: Ամեն անգամ այս մեթոդի կիրառումից հետո տեսնում են, թե դասից առաջ և հետո ինչպես են փոխվում աշակերտները: Նրանք դառնում են ավելի ազնիվ, ավելի հարգալից, ավելի արդարամիտ, ավելի հանդուրժող, ավելի ընկերասեր, ավելի մարդասեր, ավելի հայրենասեր...

Այս ավելիների շարքը երկար կարելի է շարունակել, բայց յուրաքանչյուր այս <<ավելին>>, որ ամեն դասի ընթացքում ստանում է մեր աշակերտը նպաստում է մեր վերջնական նպատակի իրականացմանը այն է բարոյական, ազգային արժեքներով օժտված, ազգային նկարագիր ունեցող սերնդի ձևավորմանը:

Մայրենիի դասագրքում ընդգծված դասանյութերը հնարավորություն են տալիս զարգացնելու աշակերտների արժեքային համակարգը կիրառելով

² Կ. Թորոպյան, Կ. Չիբուխյան, ինչպես պլանավորել մայրենիի դասը:

քառաբաժան մեթոդը: Ուսումնական տարվա ընթացքում կիրառել են քառաբաժանի մեթոդը կշռադարման փուլում:

Սովորողների հետ աշխատանքում չափազանց կարևոր է ընտրել հաղորդակցման նրանց լեզուն, մեթոդները, այսինքն՝ խոսել նրանց լեզվով: Այդ պատճառով, հեքիաթները սովորողների հետ շփման արդյունավետ միջոցներից մեկն են համարվում: Հեքիաթը սովորողի հոգեկան զարգացման համար այնպիսի կարևոր միջոց է, ինչպիսին որ խաղն է: Սովորողի ծանոթացումն արտաքին աշխարհի և մարդկանց փոխհարաբերությունների հետ սկսում է մանկական հեքիաթներով:

Ժամանակից սովորողին բավարար չէ պարզապես հեքիաթ կարդալը, զրուցել բովանդակության և նրա հերոսների մասին: Անհրաժեշտ է նրանց սովորեցնել բացահայտել հեքիաթում թաքնված իմաստները և կրանքի դասերը: Հետաքրքիր է Ի. Վաչկովի տեսակետը, համաձայն որի հեքիաթները օգտագործում են և բժիշկները, և հոգեբանները, և մանկավարժները և յուրաքանչյուր մասնագետ հեքիաթը կիրառում է որպես այնպիսի ռեսուրս, որը կօգնի լուծել իրենց մասնագիտական խնդիրները:

Մարդու կյանքում դպրոցական տարիքը այն շրջանն է, երբ դրվում են անձնային որակների, բարոյական զգացմունքների, գնահատումների հիմքերը: Երեխան սկսում է գնահատել ինչպես ուրիշի, այնպես էլ իր լավ ու վատ արարքները: Այդ գնահատումների հիմքի վրա երեխայի մոտ ծագում են ապրումներ, որոնք հետագայում վերածվում են դրական կամ բացասական սովորությունների, որոնք էլ կարող են արտահայտվել որպես արժեքներ: Հոգեբանների ուսումնասիրությունները ցույց են տվել, որ դպրոցական տարիքի երեխաների մեջ դաստիարակված հատկություններն ու բնավորության գծերը հետագայում վճռական ազդեցություն են ունենում նրա անձնավորության ձևավորման գործում: Դրա համար անհրաժեշտ է դեռ վաղ տարիքից մեծ ուշադրություն դարձնել նրա բարոյական դաստիարակությանը:

Բարոյական դաստիարակության ընթացքը առաջին հերթին ենթադրում է բարոյական որակի ձևավորում: Բարոյական դաստիարակության ընթացքում, բարոյական դաստիարակության հետ մեկտեղ ձևավորվում են անձնային կարևոր

որակներ: Այդպիսի որակներից են, օրինակ՝ բարությունը, մարդասիրությունը, աշխատասիրությունը, ընկերասիրությունը, հայրենասիրությունը, մաքրասիրությունը, հավատարմությունը, ազնվությունը և այլն: Դպրոցական տարիքում նշված անձնային որակներն ու հատկությունները ձևավորելու տարբեր ուղիներ և մեխանիզմներ կան, սակայն ընդունված լավագույն միջոցներից մեկը սովորողի և գեղարվեստական գրականության, մասնավորապես հեքիաթի, ամուր կապն ապահովելն է: Հեքիաթների դերը սովորողի զարգացման գործում բազմազան է, սկսած երևակայությունը զարգացնելուց մինչև ճիշտ խոսքի ձևավորումը: Հեքիաթը սովորողներին մատչելի լեզվով կյանք է սովորեցնում, պատմում չարի ու բարու մասին: Սովորողները ավելի հեշտ են ընկալում հեքիաթը, քան մեծահասակների դաստիարակչական քարոզները: Մանկական հեքիաթները ընդլայնում են սովորողի բառապաշարը, օգնում են ճիշտ և տրամաբանական խոսք կազմել:

Կարևոր է նաև այն, որ հեքիաթները երեխայի խոսքը դարձնում են ավելի էմոցիոնալ և պատկերավոր, ձևավորվում է նաև հարցերը ճիշտ ձևակերպելու ունակություն:

Դպրոցական տարիքում է ձևավորվում այնպիսի կարևոր զգացմունք, ինչպիսին է ապրումակցումը: Ապրումակցումը այն զգացմունք է, որը հնարավորություն է տալիս երեխային իրապես ապրել հեքիաթի հերոսների կյանքով՝ տխրել, երբ հեքիաթի հերոսների հետ դժբախտություններ են կատարվում, իրենց վրա վերցնել հեքիաթի հերոսների կերպարն ու վարքագիծը, ինչն էլ արդեն դաստիարակչական մեծ նշանակություն է ստեղծում, որպեսզի իրական կյանքում ևս իրենք կարողանանք դրսևորել անձնային դրական որակներ, հատկություններ:

Այդ էմպաթիայի զգացողությունը հնարավորություն է տալիս տեղա իրական կյանք սովորողի այն դրական հատկություններն ու որակները, վարքի ընդունված ձևերը, որոնք գովերգում են հեքիաթում: Եվ մեծահասակների օգնությամբ սովորողի մեջ ձևավորվում է հասարակայնորեն ընդունելի վարքի ձևեր և անձնային որակներ կամ դրվում են դրանց հիմքերը:

Ստորև համառոտ կներկայացնենք անցկացրածս դասերից մեկը:

4-րդ դասարանի մայրենի դասի ընթացքում առանձնացրել էինք <<Երկու եղբայր>> հեքիաթը, որը բարության, համերաշխության մասին է: Հեքիաթը ներկայացնելուց հետո աշակերտների հետ անցկացրել եմ զրույց, որի միջոցով ներկայացրել եմ հեքիաթի հիմնական գաղափարը:

<<Սերն ու միությունը թեթևացնում են ամեն ծանրություն>>. այսպես եմ սկսել հեքիաթը: Հեքիաթը երկու աղքատ եղբայրների մասին է: Մի անգամ աշնանը մեծ եղբայրը հաշվում է իր ցորենի պաշարը և մտածում է, որ բերքը շատ է և պետք է եղբորը օգնի: Երբ մութն ընկնում է, նա ցորենի պարկը շալակած տանում է փոքր եղբոր տուն: Ճանապարհին հանդիպում է մի մարդու, բայց քանի որ մութ էր չի ճանաչում: Կրտսեր եղբայրը նույնպես երեկոյան որոշել էր օգնել իր մեծ եղբորը: Նրանք միաժամանակ էին սկսել միմյանց տուն ցորեն տանել: Երբ եղբայրները տուն էին վերադառնում ցորենի պարկերը չէին պակասում:

Իմ մի քանի հարցերին աշակերտները տվեցին տարատեսակ պատասխաններ: Ամփոփելով երեխաների տված պատասխանները, վեր հանելով հեքիաթի հիմնական գաղափարը՝ դասի ընթացքում կարողացա երեխաների մեջ ձևավորել ապրումակցման, ընկերասիրության, մարդասիրության, բարության և այլ անձնային որակներ, որոնք էլ հիմք են հանդիսանալու արժեքային համակարգի ձևավորմանը:

Երեխաները տվեցին մեկը մյուսից հետաքրքիր պատասխաններ, բայց անհրաժեշտ էր պարզել, թե որքան է նրանց խոսքը համապատասխանում նրանց վարքին: Արդյունքները ամփոփելու համար, առաջարկեցի կատարել <<Օգնության ձեռք>> վարժությունը³, որն օգնում է գիտակցելու, որ լավ փոխհարաբերություններում կարևոր դեր է խաղում փոխօգնությունը, սերն ու միաբանությունը:

Ընթացքը- յուրաքանչյուր աշակերտի բաժանեցի A4 չափսի թուղթ և առաջարկեցի թղթի վրա մատիտով ուրվագծել ձեռքի երկու ափերը, մկրատով կտրել, մեկի վրա գրել իր անունը, իսկ մյուսի վրա՝ այն դասընկերոջ, որը երբևէ օգնել է իրեն: Այնուհետև երեխաները իրենց նկարած երկու ձեռքերը միացրեցին

³ Թորոպյան Կ., Չիբուխյան Կ., ինչպես պլանավորել մայրենիի դասը 4, Երևան 2017, էջ 295:

ծափ տալու պես,որ գրված անունները մնան ներսի կողմում: Դրսի կողմից գրեցին,թե ընկերն ինչով է օգնել իրեն: Օրինակ՝ «Ինձ օգնել է բառային աշխատանք կատարելիս»: Հետո մյուս աշակերտը կարդալ իրեն ցույց տված օգնությունը: Վերջում ամփոփեցի հարցերով.

- Ի՞նչ էք զգում, երբ օգնության կարիք ունեք:
- Ի՞նչ էք զգում, երբ ձեզ են օգնում:
- Ի՞նչ էք զգում, երբ դուք էք օգնում:

Այսպիսով, առաջարկված վարժությունը օգնեց պարզելու, թե որքանով են երեխաները պատրաստակամ օգնելու և զիջելու, բարի գտնվելու միմյանց նկատմամբ:

Այսպիսով, երեխաներն իրականությունը պատկերավոր են ընկալում, իսկ նպաստում են իրականության ճիշտ ընկալման:

Վերջնարդյունք- <Մտազրոհ>> մեթոդով աշակերտները ստեղծեցին <<Լավագույն եղբայր>> հասկացողության մոդելը և համակարգեցին <<Եղբայր>> հասկացության բնորոշ հատկանիշները, որոնք համալրվեցին դրական որակներ որտահայտող նոր բառերով:

կարեկցող

առատաձեռն		բարեհոգի
ազնիվ	եղբայր	ուշադիր
պարկեշտ		մարդասեր
	սրտացավ	գթասիրտ

Դասը ամփոփեցի <<Քառաբաժան>> մեթոդով:

Ի՞նչ տեսա	Ի՞նչ զգացի
Ի՞նչ լսեցի	Ի՞նչ հասկացա

Օգտագործված մեթոդները՝ զրույց, մտազրոհ, քառաբաժան:

Իրականացման ժամանակահատվածը՝ 2 դասաժամ:

Թիրախ խումբը և շրջանակը (քանակ, սեռային բաշխում)՝ 2աշակերտ, սեռը՝ 1տղա և 1աղջիկ:

ԵԶՐԱԿԱՑՈՒԹՅՈՒՆ

Ելնելով կատարված աշխատանքից՝ կարող ենք եզրահանգել, որ արժեքային համակարգի ձևավորումը ժամանակակից դպրոցի գերխնդիրն է և մշտապես պետք է լինի մանկավարժների ուշադրության կենտրոնում:

Կրթության հենքը և գլխավոր իմաստը պետք է դառնա արժեհամակարգի ձևավորումը: Դպրոցը պետք է լինի օրինակելի տարածք, ուր հաստատուն են էթիկական նորմեր: Դպրոցում աշակերտը պետք է ընկալի համակեցության նորմերի իմաստը:

Այդ ամենի պտուղը կլինեն իրական արժեքները, այլ ոչ թե թելադրված, անգիր արած, բայց աշակերտի համար ոչինչ չնշանակող ճշմարտությունները: Կարող ենք եզրակացնել, որ հեքիաթը գեղարվեստական այն լավագույն ժանրն է, որը կյանքի բոլոր փուլերի համար է և կյանքի յուրաքանչյուր շրջափուլում այն իր ազդեցությունն ու բարոյախոսությունն ունի:

Երբ էթիկական նորմերը ծառի արմատներն են, իսկ արժեքները՝ բույնը, ապա բարոյականությունը դրա սաղարթն է: Բարոյական է այն ամենը, ինչը նպաստում է արժեքների պահպանմանը և չի հակասում դրանց: Եթե մենք կարողանանք կառուցել դպրոցներ, որոնք կձևավորեն արժեքներ աճող սերնդի համար, կունենանք աշխարհի ամենալավ և ամենաիմաստալից կրթական համակարգը:

Մայրենի առարկայի դասավանդման գործընթացի արդյունավետ կազմակերպման հիմքում ժամանակակից մեթոդներն են, քանի որ դրանք հնարավորություն են ընձեռում աշակերտներին ինքնուրույն ձեռք բերել, կառավարել, մշակել, գնահատել վերլուծել ուսումնասիրվող նյութը և դրա հիման վրա, ինքնուրույն որոշում կայացնել, աշխատել խմբերով, տեսնել, սեփական աշխատանքի արդյունքն ու գնահատել այն, կատարել համատեղ խմբային ու համագործակցային աշխատանք, լինել պատասխանատու և հետևողական այդ աշխատանքի համար, գնահատել ինչպես իրենց, այնպես էլ մյուսների կատարած աշխատանքի արդյունքները, առավել ակտիվորեն ներգրավել դասագործընթացում: Վերջիններս էլ նպաստում են ինչպես դասանյութի հեշտ յուրացմանը, այնպես էլ սովորողների մեջ արժեքային համակարգի ձևավորմանը:

ՕԳՏԱԳՈՐԾԱԾ ԳՐԱԿԱՆՈՒԹՅԱՆ ՑԱՆԿ

1. Թորոսյան Կ., Չիբուխյան Կ., Մայրենի 2-4, ուսուցչի ձեռնարկ, Երևան-2011, էջ 259-260:
2. Թորոսյան Կ., Չիբուխյան Կ., Ինչպես պլանավորել Մայրենիի դասը 3, Երևան-2017, էջ 499:
3. Թորոսյան Կ., Չիբուխյան Կ., Ինչպես պլանավորել Մայրենիի դասը 4, Երևան-2017, էջք 295-300:
4. Թորոսյան Կ., Սարգսյան Վ., Մայրենի 4, դասագիրք, Երևան-2019, էջք 109-111:
5. Խաչատրյան Ս., Ուսուցման արդյունավետ հնարներ, Երևան, 2020, էջ 10:
6. Մանկավարժական միտք, Տաթև գիտակրթական համալիր, 2018, 1-2, էջ 39:
7. Նալչաջյան Ա. Ա. 1997, Հոգեբանության հիմունքներ, Երևան, էջ 56:
8. Պաշարների շտեմարան <https://lib.armedu.am>
9. [https:// library. Fes.delpdf-files/bueros/georgien/16023.pdf](https://library.Fes.delpdf-files/bueros/georgien/16023.pdf)